



Si bandit su cuncursu fotogràficu *Màzines de poesia* Edizione 2017

Su cuncursu est intro de su prozetu *Lùvula ti canto 2017*, nd' est respetosu e sichit sos inditos de su regulamentu de su Premiu de poesia omònimu.

ISETOS DE SU CUNCURSU

- mandare a daennantis su Premiu de poesia *Lùvula ti canto 2017*;
- tzintzigare sos sardos chi agradèschent su de comunicare chin sas màzines fotogràficas sos sentitos chi naschint abaitàne sos locos, a pònnere in fotografias sas màzines fatas chin sos versos dae sos poetas binchitòres de su Premiu *Lùvula ti canto 2017*;
- imprentare cartolinas ponende impare màzines fotogràficas e poesias, a manèra chi crescat su **sensu** de ambas, pro contare e fàchere connòschere sa 'idda de Lùvula;



- Sos premios ant a essere in dinari (bi sono de fàchere sas ritenutas de sa leze) o in donos e s'ant a dare petzi si a cata setzione b'ant a partètzipare nessi 7 cuncurrèntes;
- su cuncursu est abertu a totu sos residentes in Sardigna chi ant sa passione (non su mestieri) de sa fotografia; a sa setzione *Minores* poten partètzipare sos pitzinnos dae sos 9 a sos 15 annos, a sa sola o comente classe de iscola elementare o media;
- pro leare parte a su cuncursu tocat de s'assentare. Su mòdulu cheret irgarrigatu dae su situ istituzionale de su Comunu de Lùvula o picatu dae sa segreteria de su Premiu *Lùvula ti canto* (telefono e mail sono iscritos in fundu), a uve, a pustis chi siat cumpilatu a dovere, tocat de l' imbiare o vature, **intro de jovia 27.07.2017**;
- **Intro de lunis 31.07. 2017**, a sos fotografos iscritos cuforma a sas regulas lis ant a essere cunsignatas, in sa segreteria de su Premiu (Biblioteca Cumonale), sas poesias chi los divent ispirare a fàchere sas fotografias in Lùvula (o in su sartu suo) ; sas poesias ant a pòtere essere finas imbiatas pro mail a sos indirizos datos;
- in su mòdulu pro s'assentare sos partètzipantes s'impignant a non fàchere lèghere a niune sas poesias chi divent retratare. Pro sos *Minores* l'ant a dèvere fàchere sos babbos o sa mammas o chie nde tenzat sa potestate;
- a bi leare parte non si pacat. Sas fotografias potent essere presentàtas petzi dae sos autores chi decrarant e garàntint, ponèndelu pro iscritu, de nde àere totu sos derètos e, chin sas matessi (fotografias) , de non themare sos derètos de àtere e de non violare sas lèzes chi sono in vigòre. Pro sos *Minores* l'ant a fàchere sos babbos o sa mammas o chie nde tenzat sa potestate;
- leande parte a su cuncursu, onzi autore liberat su Comunu de Lùvula dae totu sas responsabilitates de cale si siat zenìa e finas dae sos dannos morales o materiales chi potant cumbinare dae sas màzines presentatas;
- onzi fotògrafu mannu devet produrre **3 màzines** (una pro cata poesia chi at bintzu sa 1^a sez. de su Premiu); onzi minore, imbetzes, devet produrre **1 màzine** (chi retratet una poesia de sa 3^a sez. de su Premiu chi at vintzu). Sas fotografias cherent tiratas dae pacu tempus (intro s'urtimu annu), mai publicatas in peruna manera e mai premiatas; de plagios o decraratziones farsas (s'essèret chi bi nd'apat) nd'ant a rispondere sos autores o chie nde tenzat sa potestate;
- sas fotografias retzitas non s'ant a torràre, ma ant a abarràre pro semper a su Comunu de Lùvula (Biblioteca Cumonale), chene chi si bi potat arregonare o dare orta , e ant a pòtere èssere impreatas pro mustras o àteros isètos culturales, finas pro las publicare, chene perunu derètu o paca pro sos autores, ma su nùmene issoro at a èssere semper mentovatu;
- Cata fotografia cheret imbiata siat **in papiru** pro fotografias (**2 copias** formatu 10x15 e **1 copia** formatu A4 pro cata màzine), siat in digitale (**in JPEG pro ambos formats**). Non s'ant a atzetare fotografias imbiatas in posta elettronica o in àteras maneras diferentes dae sas inditatas. Sas fotografias cherent chin una definizione chi permitat a las irmannire e a las projetare in dunu muru (largaria 2800, risoluzione 300 dpi) e divent retratare sos versos cunsignatos;
- sos cuncurrentes pòtent imbiare a su cuncursu finas fotografias agherethàtas chin fotomontagios o ateros maniestos, che su de bi iscriere sos versos in supra, ca ant a èssere mustras de zenias de cartolinas. Si ant a detzidere de gai, de sas màzines in formatu 10x15 ant a dèvere presentare finas sas copias acontzas: 2 in papiru, e su digitale. Su formatu A4 non si potet agherethàre;
- a sos chi ant a binchere si lis at a potere dimandare de imbiare sas fotografias premiatas in formatu TIFF o, pro non ch'essere bocatos a foras de su cuncursu, finas de dare àteras informatziones, **s'essèret chi sèrvant pro sa premiazione**;
- a zudissu insindacabile de sa giuria, no ant a essere picàtas in cunsidèru sas màzines de temas fora de sos inditatos, chi non sient dignos o chi ofèndant o 'egliant sa bidda o sos retratatos o chi sa giuria cunsidèret de no atzetare ca non cunformes a sos isetos de su cuncursu.

- Pro imbiare sas òperas bi cherent duas bustas de mannària diferente:

In sa busta minore tocat a bi pònnere :

- ♦ unu fozu in uve bi siant iscritos su nùmene e sambenatu de su cuncurrente, s'indiriztu, su numeru de telefono (finas tzellulare), s'indiriztu e-mail e, in prus, su titulu de cata fotografia, su locu e sa data pretzisa chi est istata tirata e sa descrizione sua;
- ♦ Una liberatoria aposita (si nche ritirat in sa segreteria de su cuncursu), iscrita a dovere e firmata, in uve chie partètzipat (pro sos *Minores*, chie pro issos) decrarat e garàntit de tènere totu sos derètos de sas màzines presentatas, de non themare sos derètos de àtere e de non violare sa lèze;
- ♦ Unu fozu in uve bi siat sa decrarazione sichiente firmata dae s'autore (o, pro sos *Minores*, dae chie pro issos): "Jeo sutaiscritu (inditare totu sos datos personales), permito chi sos datos personales meos siant impreatos pro su contipizu e sas atvitates de su cuncursu fotogràficu *Màzines de poesia 2017* e de su Premiu de poesia *Lùvula ti canto* o, s'essèret chi si facant, pro m'imbiare bandos novos o publicare sas operas finas chin medios informaticos.

In sa busta manna tocat a bi pònnere :

- ♦ sas màzines (in sos formats digitale e de papiru pro fotografias), chin sos titulos issoro, ma chene firmatas;
- ♦ sas copias de sas poesias retratatas, catauna paris chin sa màzine chi li pertocat;
- ♦ sa busta minore, serrata, in uve intro bi siat totu su chi in supra est istatu natu de bi pònnere.

- Sos cuncurrentes divent imbiare o cunsignare a manu sas òperas issoro **intro su 28.08.2017** a sa **Segreteria de su Prèmiu de Poesia "Lùvula ti canto 2017" - Cuncursu "Màzines de poesia" - Comunu de Lùvula (Biblioteca Cumonale), carrera dei Mille, 08020 Lùvula (NU)**. S'at a cunsiderare su trimbu postale;

- Su de leare parte a su cuncursu est che a cunfirmare de connòschere e de atzetare sas normas de custu bandu;

- Su Comunu de Lùvula at a numenare una giuria pro premiare sas menzus fotografias. Sa giuria no at a assignare premiu perunu si at a carculare chi sas òperas arribatas non nde siant dignas, o at a assignare mentziones si essèret chi b'apat fotografias chi lu meritant. Su chi at a detzidere sa giuria non s'at a pòtere cuntestare;

- Sos binchitòres de su cuncursu e sos mentzionatos ant a dèvere partètzipare a sa tzerimonia de premiazione chi s'at a fàchere paris chin cussa de su Premiu de poesia, in una die de dispònnere. Si essèret chi non pòtant (pro rejonas provatas), nch'ant a pòtere ritirare sos premios àteras pessones in parte issoro (delegatas).

Si potet petire cale si siat informatzione o acaramentu a sa Segreteria de su Premiu: Comunu de Lùvula - Biblioteca Cumonale, tel. : 0784416894 - 078441791 – cell. 3383823505 - 3293559930; indiriztu e-mail: luvulaticanto@gmail.com; Facebook: <https://www.facebook.com/Prèmiu-de-Poesia-Lùvula-ti-canto-212957032442612/>

Lùvula, su 3 de maju 2017

SU SINNICU
(F.tu Mario Calia)